

134 645

# QVÆSTIO MEDICA

CARDINALITIIS DISPVATIONIBVS

MANE DISCVTIENDA

IN SCHOLIS MEDICORVM,

Die Martis 27. Martij.

M. CLAVDIO GERMAIN, Doctore Medico, Præfide.

*An in magnis inflammationibus & doloribus, sanguinis missio  
ad animi deliquium?*

I.

**S**EMEN ab universo utriusque parentis corpore decissum, compendiosam, sed efficacem partium omnium ideam continet. mores insiti, morbi congeniti in tam pusillo, invisibili & spiritali principio suas viviradices firmant, quæ in natis non rarò sopitæ feriantur, ut acriùs reviviscant in nepotibus, avis quàm parentibus similioribus. Ne credas cum Genethliacis ex fœlici vel infœlici, ut aiunt, syderum conjugio in nativitatis puncto, mortalium faustam vel infaustram sortem pendere. Spiritus ille genitor, sui domicilij architectus & custos fidissimus, proportionem respondens elemento stellarum, sit tibi cœlum in quo fata nostra variè sigillantur: hujus pravam indolem vix Moralis Philosophiæ præcepta, vix artis magistræ leges, vix caloris nativi *exardueris* immutabunt. Gaudeant benè nati, & tempestivo ac moderato rerum non naturalium usu, de bonis animi & corporis sibi prospicientes, fœlicem ac beatam ducant vitam. Labor, cibus, potus, somnus, venus, animi perturbationes, omnia mediocritas. Hos fines si transilieris, ingens succrescet vario.

rum & diversorum excrementorum cumulus, quæ aut nimia mole calorem nativum obruent, aut frigidâ qualitate extinguunt, aut quod frequentius est magnâ inflammatione & igne ustulatore cum acerbissimis doloribus citissimè exhaurient. Sic major flamma minorem extinguit.

## I I.

**D**OLOR, symptoma naturæ insensissimum, sentientem spiritum cruciat intemperie & solutione continui: Calida acribus, falsis, amaris atomis pungit, irritat, inflammat. Frigida acerbis, austeris violenter constringit, acidis stuporem inducit, coagulat, dividit, ulcerat, adurit, nonnunquam gangrænosum parit. Mirere interim ex contrariis causis similes effectus produci, & similibus aliquandò tutius quàm contrariis curari: nullum emorienti à frigore parti præsentius auxilium nive diu multumque affrictâ: ustioni ab igne vini spiritu, qui quò desiccator ac subtilior, eò citius dolorem demulcet & sanat. Non falleris nec falles, si dolorum differentias ex saporum diversitate distinguas, calidum, frigidum, humidum & siccum sola exiguas habent vires. Acrida, falsa, amara, acerba, austera, acida cum ad suas *ἀκρότητα* per *διόχεσιν* pervenerunt, ut linguæ, sic aliis partibus sensibilibus cute denudatis, diversos doloris & tristitiæ sensus inducunt, quos paregoricis tutò, narcoticis insidiosè, tutissimè evacuatâ causâ morbificâ delinies.

## I I I.

**I**NFLAMMATIO omne morbi genus complectitur, simile, organicum, & commune, sanguinis est per venas & arterias uberiùs in partium inania spatia influentis soboles; calore, rubore, dolore, renixu, pulsu molesto se prodit. Quocunque in loco sedem fixerit pro illius varietate & humoris indole varia sortitur nomina, diversasque induit formas: *ὀξὺς* est vel *καρσὺς*, *ὀρεῖτος* vel *δυσρεῖτος*, si magna fuerit, præsens semper *διαφύξεως* periculum aut partis aut universi corporis minatur: Frustrâ naturæ fatiscientis auxilium per diaphoresim & laudabile suppuratum expectabis: In initio, augmento & statu insensissimus est omnium catharticonum usus, etiam in pleuritide inferâ, nihil detrahunt à parte inflammatâ, affluentis sanguinis efferum, orgasmum

exasperant, fervorem adaugent, naturæ laborantis vires magis prosternunt, illamque pro suo jure humorum pepasmo incumbentem inturbant. Sola spes fit in liberali evacuatione, quæ si validæ sint vires, simul & semel omnem aut saltem majorem partem sanguinis copiâ & qualitate peccantis citissimè eliminat, cui si accedat tenuissima diætâ, & frequens refrigerantium ac lenientium medicamentorum usus, quæ humorum acrimoniam demulceant, omnes veræ & legitimæ curationis scopos adimpleveris.

## I V.

**S**I benè calculum ponas, nihil in totâ arte nostrâ negotiosius esse deprehendes quàm de remedij evacuantis & humoris educendi quantitate accuratè definire. Prudens tamen & peritus Medicus qui morbi magnitudinem ἐν τῷ γινέσθαι καὶ ἐν τῷ εἶναι, & agrotantis vires tum præsentēs, tum futuras sagaci conjecturâ ut proprijs τεχνικαῖς exactè præviderit & cognoverit; vix à scopo, inquam; aberrabit. Concoctum & mitificatum humorem convenientibus catharticis per ἐπιχειρῶν repetitis semper tutò excernes, nunquam securè mochlicis, quæ suæ malignitatis labem inurunt partibus Principibus, utiles & benignos succos corrumpunt, corruptos unâ cum noxiis & constanti virium exolutione ad animi deliquium eliminant. Secus de sanguinis missione sentiam velim quæ in magnis inflammationibus & acerbissimis doloribus per ἐπαφιδρῖσιν celebrata, quia non omnem mali causam citò eliminat nihil ferè aut parum affert emolumenti; cum superstes fervens & corruptus sanguis in suæ putredinis consortium, purum & laudabilem trahat; hinc perennis generatio humoris morbifici, perennisque affluxus ad partes affectas: sic in multos dies cum insigni virium jacturâ & maximo vitæ discrimine prorogatur crudeliter morbus, qui sanguinis missione simul & semel celebratâ ad animi deliquium, omni aut saltem majori ex parte evacuatâ causâ morbificâ confestim sanaretur, aut miresceret cum fugaci & facilè reparabili virium detrimento.

## V.

**Q**UID ergo dubitas Hæmophobe more veterum largâ manu ad quinque aut sex libras, & ad lypothy-

miam usque sanguinem detrudere. An Hippocrates & Galenus illud Præsidij genus temerè consuluerunt, & in usum revocarunt? Qui de præsana innoxio planè medicamento pleuriticis tempestivè exhibendo, tam severas leges posteritati reliquerunt. An quia senescente mundo attritæ hominum vires tam amplam sanguinis evacuationem vix ferre possunt? Nequaquam. Sola Medicorum timiditas imperitæ multitudinis malefanis votis auscultantium ægrotantibus illud salutare præsidij genus interdixit; quo momento temporis ardentissimæ febres, synochi putres, imputres non ægorantes jugulantur. Sic securæ phrenitidi, anginæ, pleuritidi peripneumonix, magnis viscerum inflammationibus, acerbissimis articularum doloribus, carbunculis, lassitudini phlegmonosæ, omnibus denique morbis quos parit sanguinis ubertas æstus & putredo medeberis, in corporibus plethoricis, πολυαίμοις, ἐνχρόοις ἐνσάρχοις; copioso enim & ad animi deliquium detracto sanguine, statim caloris extranei æstus compescitur, & natura levata omnibus recollectis viribus alacrior insurgit ad reliquias causarum morbificarum exterminandas per alvi profluvium aut sudores quos blandus excipit somnus sicque derepentè, & ad instar miraculi solvitur morbus.

*Ergo in magnis inflammationibus & doloribus, sanguinis missio ad animi deliquium.*

Asserebat Lutetiæ GABRIEL DACQVET,  
Lemovicensis, A. R. S. H. M. DC. LXVIII.

**R**esciant omnes & singuli Thesim à M. Francisco Blondel de Antimonio exaratam, sub nomine M. Claudij Germain his conceptis verbis expressam, & negativè conclusam, *Potuit-ne hactenus ullâ præparatione Antimonium emendari?* in Scholis Medicorum non fuisse disputatam, sed Typis mandatam, curâ folius M. Francisci Blondel, invitâ Facultate, & M. Ioanne Armando de Mauvillain Decano verante, vi Facultatis Decreti nonaginta duorum Doctorum suffragiis lati, Senatusque Consulto confirmati: Tum demùm quod die Mercurij 21. Martij 1668. novo & altero Senatus Decreto, orante Decano, prohibuit Senatus ne hæc Thesis de Antimonio in Scholis Medicorum propugnaretur.